



**Bosna i Hercegovina
Federacija Bosne i Hercegovine
GRAD ZENICA**

**Služba za boračko-invalidsku i socijalnu zaštitu, stambene poslove i društvene djelatnosti
Trg BiH 6-72 000 Zenica**

**SLUŽBA ZA BORAČKO-INVALIDSKU I SOCIJALNU ZAŠTITU, STAMBENE POSLOVE I DRUŠTVENE DJELATNOSTI
GRADA ZENICA RASPISUJE:**

**PONOVLJENI JAVNI POZIV ORGANIZACIJAMA I UDRUŽENJIMA /UDRUGAMA PROIZIŠLOM IZ ODBRAMBENO-
OSLOBODILAČKOG RATA 1992-1995 KOJE SU REGISTROVANE ZA DJELOVANJE NA NIVOU GRADA ZENICA
ZA PREDAJU PRIJEDLOGA PROJEKATA U SKLOPU RASPODJELE BUDŽETSKIH SREDSTAVA ZA 2017. GODINU**

Na osnovu Izvještaja Komisije, da niti jedna organizacija nije ispunila uslove predviđene Javnim pozivom, Grad Zenica putem **Službe za boračko-invalidsku i socijalnu zaštitu, stambene poslove i društvene djelatnosti** poziva sve organizacije i udruženja /udruge proizišle iz odbrambeno-oslobodilačkog rata 1992-1995 godine koje su registrovane za djelovanje na nivou Grada Zenica da dostave prijedloge projekata iz sljedećih prioritetnih oblasti:

1. KULTURA

- 1.1. Kreiranje inovativnih kulturnih sadržaja i programa kroz afirmaciju tradicije i kulturne baštine naroda i nacionalnih manjina Bosne i Hercegovine.
- 1.2. Organizovanje manifestacija kulturno-umjetničkog i zabavnog karaktera za zadovoljavanje potreba pripadnika boračke populacije sa područja Grada Zenica.
- 1.3. Promoviranje kulturno-umjetničkog amaterizma, volonterizma, timskog rada i očuvanje kulturno-umjetničkog identiteta.

2. SPORT

- 2.1. Organizovanje i provođenje amaterskih sportskih manifestacija pripadnika boračke populacije i članova njihovih porodica za koje je iskazan prepoznatljiv interes građana i Grada Zenica.
- 2.2. Sportske programe i sadržaje za zadovoljavanje potreba članova udruženja na području Grada Zenica.
- 2.3. Pripremanje, organizovanje i provođenje sportskih takmičenja rekreativaca, omladine i djece koji nisu uključena u zvanični sistem takmičenja.

- 2.4 Edukaciju, sportski odgoj i obrazovanje boračke populacije i članova njihovih porodica koji nisu članovi sportskih klubova.
- 2.5 Aktivnosti koje promovišu zdrav način života, amaterizam i volonterizam, kao i programi za korisno ispunjavanje slobodnog vremena.

3. ISTORIJA

- 3.1. Obilježavanje značajnih datuma i godišnjica iz perioda odbrambeno-oslobodilačkog rata 1992-1995 godina.
- 3.2. Izgradnja spomen obilježja na području Grada Zenica.
- 3.3. Saradnja sa srodnim udruženjima i organizacijama u BiH i inostranstvu .

4. SOCIJALNA ZAŠTITA

- 4.1. Projekti inkluzije osoba sa posebnim potrebama te briga o osobama koje zbog fizičkog ili drugog hendikepa nisu u stanju same brinuti o sebi.
- 4.2. Mogućnost aktiviteta osoba sa invaliditetom i promocija rezultata.

Iznosi sredstava za odobrene projekte je do 5.000 KM (konvertibilnih maraka).

Grad zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije. Izabrani projekti trebalo bi da se realizuju u periodu do 31.12.2017. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane boračke organizacije i udruženja na nivou Grada Zenica . Sve zainteresirane organizacije i udruženja detaljne informacije o uslovima za apliciranje i kriterijima za finansiranje projekata mogu pronaći u smjernicama za podnositelje projekta u okviru javnog poziva.

Aplikant može konkurisati sa više projektnih prijedloga, a projekat može obuhvatiti jednu ili više prioritarnih oblasti, s tim da primarna oblast mora biti jasno naznačena.

PREUZIMANJE PROJEKTNE DOKUMENTACIJE:

Projektna dokumentacija (projektni prijedlog-(Aneks 1, Aneks 2, Aneks 3, Aneks 4 i Aneks 5) za prijavu na Javni poziv može se preuzeti od 19.09., 2017. godine, na zvaničnoj web stranici Grada, www.zenica.ba. Sve potrebne informacije i elektronska verzija cijelog paketa prijavne dokumentacije može se naći na službenoj web stranici Grada.

PROJEKTNJA DOKUMENTACIJA MORA SADRŽAVATI SLJEDEĆE:

- popunjena aplikacija (projektni prijedlog, Word format-Aneks 1,)
- Rješenje o registraciji
- Uvjerenje o poreznoj registraciji(Identifikacioni broj)
- Kopija ugovora sa bankom ili potvrda od banke iz koje se vidi ko je vlasnik navedenog računa
- popunjena forma Administrativni podaci o podnositelju projekta (Word format - Aneks 2),
- popunjena Finansijska identifikaciona forma (Excel format - Aneks 3),
- popunjena i potpisana Izjava (Word format - Aneks 4),
- kopija završnog godišnjeg finansijskog izvještaja za prethodnu godinu (dokument Bilans stanja i Bilans uspjeha), koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,
- kopija godišnjeg narativnog izvještaja organizacije za prethodnu godinu,
- Ukoliko je projekat sufinansiran od strane višeg nivoa vlasti/Kanton ili Federacija dokaz o sufinansiranju

- Lista za provjeru (Word format- Aneks 5)

PREDAJA DOKUMENTACIJE:

Ispunjena aplikacija (sa kompletnom zahtjevanom dokumentacijom) mora se dostaviti u dva (2) primjerka u štampanoj formi i jednoj elektronskoj kopiji (CD ili USB) u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 16:00 sati, na sljedeću adresu, sa naznakom za Javni poziv: Protokol Grada Zenica, Služba za boračko-invalidsku i socijalnu zaštitu, stambene poslove i društvene djelatnosti Trg BiH br. 6, 72 000 Zenica. **Elektronska kopija mora sadržavati obaveznu projektnu dokumentaciju (projektni prijedlog,).**

Rok za predaju aplikacija je utorak 03.10.2017. godine, u 16:00 sati. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Vanjska strana koverta mora sadržavati naziv poziva za predaju prijedloga projekata, puno ime i adresu podnosioca projekta, puni naziv projekta i navod **“Ne otvarati prije zvaničnog otvaranja”**. O primljenoj pošiljci će se voditi uredna evidencija i izdavati potvrde o prijemu. Svi aplikanti koji su predali prijedloge projekata, koji su prihvaćeni ili odbijeni, bit će obaviješteni o odluci u vezi sa njihovim prijedlogom projekta, u roku od 15 dana od dana zatvaranja javnog poziva. Rezultati će biti objavljeni na web stranici Grada www.zenica.ba.

Informativni dan za zainteresovana udruženje i organizacije, bit će upriličen, dana 22.09.(petak)2017 godine, u periodu od 10 do 12 sati u prostorijama Stare zgrade Gradske uprave.

Zenica, 19.09.2017. godine

